

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ
ՈՐՈՇՈՒՄ

2010 թվական N -----Ն

ՀՈՂԵՐԻ ԿԱՏԵԳՈՐԻԱՆ ՓՈԽԵԼՈՒ ՄԱՍԻՆ

Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության կառավարության 2002 թվականի հուլիսի 11-ի N 981-Ն որոշմամբ հաստատված` Հայաստանի Հանրապետության Լոռու մարզի Գարգառի գյուղական համայնքի հողերի օգտագործման ժամանակավոր սխեմայում` համաձայն հավելվածի, 0.52 հեկտար հողերը, այդ թվում 0.4 հեկտար քաղաքացու սեփականություն հանդիսացող վարելահող, 0.12 հեկտար համայնքային սեփականություն հանդիսացող այլ հողատեսք փոխադրել բնակավարի հողերի կատեգորիա` հասարակական կառուցապատման` գազալցակայանի կառուցման համար:

2. Առաջարկել Հայաստանի Հանրապետության Լոռու մարզի Գարգառի գյուղական համայնքի ղեկավարին`

1) ապահովել քաղաքացու հողամասի նպատակային նշանակության փոփոխման պահին առկա կադաստրային արժեքների տարբերության գանձումը, եթե հողամասի նպատակային նշանակության փոփոխումից հետո դրա կադաստրային արժեքն ավելի բարձր է, քան մինչև փոփոխումը.

2) սույն կետի 1-ին ենթակետով գանձված ֆինանսական միջոցներն ուղղել համայնքի հողերի գոտևորման և օգտագործման սխեմայի կամ գլխավոր հատակագծի կազմմանը:

3. Հայաստանի Հանրապետության Լոռու մարզպետին`

1) իրականացնել հսկողություն սույն որոշման 2-րդ կետի կատարման նկատմամբ.

2) սույն որոշման 1-ին կետում նշված հողամասերը 3 տարվա ընթացքում չկառուցապատելու դեպքում սահմանված կարգով ներկայացնել սույն որոշումն ուժը կորցրած ճանաչելու վերաբերյալ Հայաստանի Հանրապետության կառավարության որոշման նախագիծ:

4. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

Հ Ի Մ Ն Ա Վ Ո Ր ՈՒ Մ

«Հողերի կատեգորիան փոխելու մասին» ՀՀ կառավարության որոշման նախագծի

ՀՀ հողային օրենսգրքի 7-րդ հոդվածի 2-րդ կետի պահանջներին համապատասխան հողերի նպատակային նշանակության փոփոխությունը կատարում է ՀՀ կառավարությունը՝ հողաշինարարական ու քաղաքաշինական փաստաթղթերի հիման վրա:

ՀՀ Լոռու մարզի Գարգառի գյուղական համայնքի ղեկավարը հողերի օգտագործման ժամանակավոր սխեմայով ներկայացրել է 0.52 հեկտար հողերը, այդ թվում 0.4 հեկտար քաղաքացու սեփականություն հանդիսացող վարելահող, 0.12 հեկտար համայնքային սեփականություն հանդիսացող այլ հողատեսք փոխադրելու բնակավայրի հողերի կատեգորիա՝ հասարակական կառուցապատման՝ գազալցակայանի կառուցման համար:

Ներկայացված որոշման նախագծով նախատեսվում է 0.52 հեկտար հողերը, այդ թվում 0.4 հեկտար քաղաքացու սեփականություն հանդիսացող վարելահող, 0.12 հեկտար համայնքային սեփականություն հանդիսացող այլ հողատեսք փոխադրելու բնակավայրի հողերի կատեգորիա՝ հասարակական կառուցապատման՝ գազալցակայանի կառուցման համար:

Նշված համայնքի հողերի օգտագործման ժամանակավոր սխեմայով հողերի կատեգորիան փոխելու մասին ՀՀ կառավարության որոշման նախագծով նախատեսված սխեման ՀՀ կառավարության քննարկմանն է ներկայացվել հողային օրենսգրքի /մասնավորապես 6-րդ, 7-րդ, 27-րդ, 28-րդ, 29-րդ, 57-րդ և 64-րդ հոդվածների/ պահանջներին համապատասխան և ՀՀ կառավարության 2001 թ. հունվարի 17-ի «Հողերի օգտագործման սխեմաներ կազմելու կարգը հաստատելու մասին» N 30 որոշման 1-ին կետի «բ» ենթակետով սահմանված կարգով:

Միջգերատեսչական հանձնաժողովի եզրակացության հիման վրա հողերի կատեգորիան փոխելու մասին ժամանակավոր սխեման համաձայնեցվել և հաստատվել է Հայաստանի Հանրապետության քաղաքաշինության, գյուղատնտեսության, բնապահպանության, էներգետիկայի և

բնական պաշարների, էկոնոմիկայի, մշակույթի նախարարությունների, ՀՀ կառավարությանն առընթեր անշարժ գույքի կադաստրի պետական կոմիտեի կողմից:

Հողերի կատեգորիան փոխելու մասին համայնքի հողերի օգտագործման ժամանակավոր սխեմայի վերաբերյալ առկա են համայնքի ավագանու որոշումը՝ (սխեմային հավանություն տալու մասին), մարզպետի համաձայնությունը (մարզային հանձնաժողովի եզրակացության հիման վրա) :

Հողերի օգտագործման ժամանակավոր սխեմաների համաձայնեցման միջգերատեսչական հանձնաժողովի նախագահ

Վ. Տերտերյան